

اتوار 13 اکتوبر، 2019

مضمون۔ کیہ پاپ، بیماری تے موت اصلی نیں؟

سنہری متن: امثال 12 باب 28 آیت

”سچائی دی راہ وچ جیاتی اے تے اوہدے راستے وچ موت بالکل نیں۔“

جوابی پڑھائی: زبور 51:1، 10، 13، 15 آیتاں

- 1۔ اے رب اپنی شفقت دے مطابق میرے اُتے رحم کر۔ اپنی رحمت دی کثرت دے مطابق میریاں  
خطاواں مٹا۔
- 10۔ اے رب میرے اندر پاک دل پیدا کرتے میرے باطن وچ نویں سرے توں مضبوط روح پادے۔
- 11۔ مینوں اپنے سامنیوں دور نہ کر۔ تے اپنی روح نوں میتھوں دکھ نہ کر۔
- 12۔ اپنی مکتی دی خوشی مینوں فیر دے تے مستعد روح نال مینوں سنبھال۔
- 13۔ فیر میں خطا کاراں نوں تیریاں راہواں سکھانواں گاتے پاپی تیرے دل مڑن گے۔

15۔ اے ربا! میریاں بلیاں نوں کھول دے تے میرے مونہوں تیری تعریف نکلے گی۔

درسی وعظ

بائبل وچوں

1۔ یرمیاہ 31 باب 33 (ایہہ) توں 34 آیتاں

33۔ ایہہ اوہ عہد اے جیہڑا میں اوہناں دناں بعد اسرائیل دے گھرانے نال بنھاں گا۔ خداوند آکھدا ات میں اپنی شریعت اوہناں دے باطن وچ رکھاں گاتے اوہناں دے دل اُتے اوہنوں لکھاں گاتے میں اوہناں دارب ہونواں گاتے اوہ میرے لوک ہوون گے۔

34۔ تے اوہ فیر اپنے اپنے گوانڈی تے اپنے اپنے بھرانوں ایہہ آکھ کے تعلیم نہ دین گے پئی خداوند نوں پچھانو کیوں جے نئے توں وڈھے تیکر سارے مینوں جانن گے خداوند آکھدا اے ایس لئی پئی اوہناں دی بدکاری نوں بخش دینواں گاتے اوہناں دے پاپ نوں یاد نہ کراں گا۔

2۔ لوقا 19 باب 1 (یسوع) توں 10 آیتاں

- 1- اوہ یریکو وچ لنگ کے جارہیا سی۔
- 2- تے ویکھو زکائی نام دا اک بندہ سی جیہڑا محصول لین والیاں داسر دارتے امیر بندہ سی۔
- 3- اوہ یسوع نوں ویکھن دی کوشش کرداسی پئی کیہڑا اے پر جتھے دے پاروں ویکھ نہیں سی سکدا۔ ایس لئی پئی اوہ اقد زکا سی۔
- 4- ایس لئی اوہ اوہنوں ویکھن لئی اگاں دوڑ کے اک گولڈ دے زکھ اُتے چڑھ گیا کیوں جے اوہ اوہنوں سے راہ توں لنگن والا سی۔
- 5- جدوں یسوع اوہنوں اڑ پڑیا تے اُتے ویکھ کے آکھیا اے زکائی چھیتی نال بیٹھاں آجا کیوں جے اج میں تیرے گھرای ضرور جانا ایں۔
- 6- اوہ چھیتی نال اتر کے خوشی نال اوہنوں اپنے گھر لے گیا۔
- 7- جدوں لوکاں نے ایہہ ویکھیا تے سارے بڑ بڑا کے آکھن لگے پئی ایہہ تے اک پاپی دے گھر ٹر گیا اے۔
- 8- تے زکائی نے کھلو کے خداوند نوں آکھیا ویکھ میں اپنا دھامال غریباں نوں دیناں واں تے جے کسے کولوں ناجائز لیا اے تے اوہنوں چار گنا واپس دیناں واں۔
- 9- یسوع نے اوہنوں آکھیا اج ایس گھر وچ مکتی آئی اے۔ ایس لئی پئی ایہہ وی ابراہام دا پتر اے۔
- 10- کیوں جے آدم دا پتر گواچیاں نوں لبھن تے مکتی دین آیا اے۔

### 3- متی 4 باب 23 (یسوع) توں 25 آیتاں

23- تے یسوع سارے گلیل وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کردا تے لوکاں دیاں ہر طرف دیاں بیماریاں تے ہر طرف دیاں کمزوریاں نوں دور کردا رہیا۔

24- تے اوہدی مشہوری سارے سوریہ وچ پھیل گئی تے لوک سارے بیماراں نوں جیہڑے نت بیماریاں تے تکلیفاں وچ جکڑے سی تے اوہناں نوں جنساں وچ بدروحاں سی تے مرگی والیاں تے مفلوجاں نوں اوہدے کول لیائے تے اوہنے اوہناں نوں چنگا کیتا۔

25- تے گلیل تے دیکپلس تے یروشلیم تے یردن دے پار توں وڈھا جتھا اوہدے مگر ٹریا۔

#### 4- یوحنا 21 باب 4 (جد) توں 14 آیتاں

1- --- صبح ہندییاں ای یسوع کنڈے اُتے آکے کھلو گیا پر چیلیاں نے اوہنوں نہ پچھانیا پئی ایہہ یسوع اے۔

5- فیر یسوع نے اوہناں نوں آکھیا اے بچیو! تہاڈے کول کجھ کھان نوں ہے اے؟ اوہناں نے جواب دتا پئی نئیں۔

6- اوہناں نے اوہنوں آکھیا پئی کشتی دے سچے پاسے ول جال سٹوتے تسی پھڑو گے۔ فیر اوہناں نے جال سٹیا تے بوہت مچھلیاں دے پاروں کھچ نہ سکے۔

7- ایس لئی اوس چیلے نے جیدے نال یسوع بوہت پیار کر داسی پطرس نوں آکھیا پئی ایہہ تے خداوند اے۔ فیر شمعون پطرس نے ایہہ سن کے پئی ایہہ خداوند اے کرتہ اپنی کنڈھ نال بنھیا کیوں جے اوہ ننگا سی تے جھیل وچ چھال مار دتی۔

8- تے باقی چیلے چھوٹی کشتیاں اُتے بیٹھ کے مچھلیاں داجال کھچدے ہوئے آئے کیوں جے اوہ کنڈے توں کجھ دور نیں سی بلکہ لگ بھگ دو سو ہتھوں دا فاصلہ سی۔

9- جیس ویلے کنڈے اُتے اترے تے اوہناں نے کونلیاں دی اگ تے اوہدے اُتے مچھلی دھری ہوئی تے روٹی ویکھی۔

10- یسوع نے اوہناں نوں آکھیا جیہڑیاں مچھلیاں تسی ہن پھڑیاں نیں اوہناں وچوں کجھ لیاؤ۔

11- شمعون پطرس نے چڑھ کے اک سو ترپن وڈھی مچھلیاں نال بھریا ہونیا جال کنڈے اُتے کھچیا پر مچھلیاں بوہتیاں ہوون دے باوجود جال نہ پھٹے۔

12- یسوع نے اوہناں نوں آکھیا آؤ کھانا کھاو تے چیلیاں وچوں کسے نوں جرات نہ ہوئی پئی اوہدے توں بچھدا پئی تو کون ایس؟ کیوں جے اوہ جان دے سی پئی خداوند ای اے۔

13- یسوع آیا تے روٹی لے کے اوہناں نوں دتی۔ ایدے طراں مچھلی وی۔

14- یسوع مردیاں وچوں جی اٹھن توں بعد ایہہ تیجی واری چیلیاں اُتے ظاہر ہوئیا سی۔

## 5- زبور 116:1 توں 19 آیتاں

- 1- میں خداوند نال محبت رکھداواں کیوں جے اوہنے میری فریاد سنی تے میری منت سنی اے۔
- 2- کیوں جے اوہنے میرے ول اپنا کن دھریا۔ ایس لئی میں ساری عمر اوہدے اگے دعا کراں گا۔
- 3- موت دیاں رسیاں نے مینوں جکڑ لیا تے پاتال دیاں پیڑاں میرے اُتے آگیاں۔ میں دکھ تے غم وچ پھڑپھڑیا گیا۔
- 4- تد میں خداوند اگے دعا کیتی پئی اے خداوند! میں تیری منت کرداواں پئی میری جان نوں رہائی دے۔
- 5- خداوند صادق تے کریم اے۔ ساڈا خداوند رحم کرن والا اے۔
- 6- خداوند سادہ لوکاں دی حفاظت کردا اے۔ میں نیواں ہو گیا سی اوہنے ای مینوں بچالیا۔
- 7- اے میری جان فیر مطمئن ہو کیوں جے خداوند نے تیرے اُتے احسان کیتا اے۔
- 8- ایس لئی پئی تو میری جان نوں موت توں، میریاں اکھیاں نوں، ہنجو وگاؤن توں تے میرے پیراں نوں۔ تلکن توں بچایا اے۔
- 9- میں جیوندیاں دی دھرتی اُتے خداوند دے حضرت ردار ہواں گا۔

## 6- مکاشفہ 21 باب 1 توں 4 آیتاں

- 1- فیر میں اک نویں اسمان تے نویں دھرتی نوں دیکھیا کیوں جے پہلا اسمان تے پہلی دھرتی جانڈے رہئے تے سمندر وی نہ رہیا۔

2- فیر میں پاک شہریر و شلیم نوں اسمان اتوں رب دے کولوں اتر دیاں ویکھیا تے اوہ اوس ووہٹی وانگر سبجیا ہوئیا  
سی جنسے اپنے بندے لئی شنگھار کیتا ہووے۔

3- فیر میں تخت وچوں کسے نوں اُچی آواز نال ایہہ آکھدیاں سنیا پئی ویکھ رب دا خیمہ بندیاں دے وچکاراے تے  
اوہ اوہناں دے نال سکونت کرے گاتے اوہ اوہدے لوک ہوون گے تے رب آپ اوہناں دے نال رہوے گا  
تے اوہناں دا رب ہووے گا۔

4- تے اوہ اوہناں دیاں اکھیاں دے سارے اتھر و پونجھ دیوے گا۔ ایہدے بعد نہ موت رہوے گی نہ ماتم  
رہوے گا۔ نہ آہ نالہ نہ درد۔ پہلیاں شیواں جان دیاں رہیاں۔

## سائنس تے صحت

1- 29-23:99

سچی روحانیت دے پُر سکون، مضبوط دھارے، جنماں دے اظہار صحت، پاکیزگی تے اپنے آپ دی قربانی  
نیں، لیہناں نوں اوس ویلے تیکر انسانی تجربے نوں گہرا کرنا چاہیدا اے جدوں تیکر مادی وجودیت دے  
عقیدے واضح مسلط ہندیں وکھالی نئیں دیندے تے پاپ، بیماری تے موت روحانی الوہیت دے سائنسی  
اظہار تے رب دے روحانی، کامل انسان نوں تھان نئیں دیندے۔

## 2- 32-26:248

ساہنوں خیالاں وچ کامل نمونے بناؤ نے چاہیدے نیں تے اوہناں اُتے لگانا دھیان کرنا چاہیدا اے، نئیں تے اسی اوہناں نوں کدی وڈھیاں تے شریفانہ حیاتیاں وچ نقش نئیں کر سکدے۔ ساڈے اندر بے غرضی، چنگائی، رحم، انصاف، صحت، پاکیزگی، پیار، اسمان دی بادشاہی نوں راج کرن دیو تے ایہہ پاپ، بیماری تے موت تلف ہوون تیکر گھٹ ہندے جان گے۔

## 3- 32-23:166

حیاتی دے علم حفظان صحت دے فروغ دے راہیں صحت مندی نوں بحال کرن وچ ناکام ہونا، مایوس باطل اکثر اوہناں نوں ترک کر دیندا اے، تے اپنی انتہا وچ تے بس اخیر مقام دے طور تے، اوہ رب ول پرت کے ٹر جاندا اے۔ دوائیاں، ہوائے تجربے اُتے یقین دی نسبت باطل داللی سیان اُتے یقین گھٹ ہندا اے، نئیں تے اوہ پہلاں سیان نال بحال ہو جاندا۔ بوہتی واری طبی نظاماں ول قوت داتوازن مادے دے راہیں منیا جاندا اے، پر جدوں سیان گھٹ وگھٹ اپنی مہارت داپاپ، بیماری تے موت اُتے دعویٰ کردی اے، تداہی انسان ہم آہنگ تے لافانی پایا جاندا اے۔

## 4- 23-16:317



انسان دی انفرادیت گھٹ ٹھوس نہیں اے کیوں جے ایہہ روحانی اے تے کیوں جے اوہدی حیاتی مادے دے رحم و کرم اُتے نہیں اے۔ اپنی روحانیت انفرادیت دی سمجھ انسان نوں ہو را اصلی، سچائی وچ ہو ر مضبوط بناؤندی اے تے اوہنوں پاپ، بیماری تے موت نوں فتح کرن دے قابل بناؤندی اے۔ قبروں جی اٹھن توں بعد ساڈے خداوند تے مالک نے اپنے آپ نوں چیلیاں اُتے بالکل او سے یسوع دے طور تے پیش کیتا جنہوں اوہ کلوری دے سانجے توں پہلاں پیار کر دے سی۔

5- 15:494 (یسوع)۔24

یسوع نے مادیت دی نااہلیت نوں اوہدے نال نال روح دی لامحدود قابلیت نوں ظاہر کیتا، ایچ غلطی کرن والے انسانی فہم نوں خود دیاں سزاواں توں بچن تے الہی سائنس وچ تحفظ لبھن وچ مدد کیتی۔ ٹھیک طراں دایت دتی ہوئی وجہ جسمانی حس دی غلطی نوں سدھارن داکم کر دی اے، پر جدوں تیکر انسان دی ابدی ہم آہنگی دی سائنس سائنسی ہستی دی لگاتار اصلیت دے راہیں اوہناں دی فریب نظری نوں مکاؤندی نہیں پاپ، بیماری تے موت اصلی ای نظر آؤندے رہن گے (جیویں پئی سوئدیاں ہوئے خواہاں دے تجربے اصلی وکھالی دیندے نیں)۔

6- 11-31:429

یسوع نے آکھیا (یوحنا 8 باب 51 آیت)، ”جے کوئی بندہ میرے کلام اُتے عمل کرے گا تے ہمیشہ تیکر کدی موت نوں نہ دیکھے گا۔“ ایہہ بیان روحانی حیاتی تیکر محدود نہیں، بلکہ ایسے وچ وجودیت دا کرشمہ وی شامل اے۔ یسوع نے ایسدا اظہار مرن والے نوں شفا دیندیاں ہوئے تے مردے نوں جیوندہ کر دیاں ہوئے کیتا۔ فانی سیان نوں غلطی توں دور ہونا چاہیدا اے، اپنے آپ نوں ایسے کماں توں الگ رکھنا چاہیدا اے، تے لافانی جوان مردی، مثالی مسیح، غائب ہو جاوے گا۔ مادے دی بجائے روح اُتے انحصار کر دیاں ہوئے ایمان نوں اپنیاں حداں نوں ودھاؤنا تے اپنی نیوں نوں مضبوط کرنا چاہیدا اے۔ جدا انسان موت اُتے اپنے یقین نوں جھٹ دیندا اے، اوہ ہور تیزی نال رب، حیاتی تے پیار وچ ودھے گا۔ بیماری تے موت اُتے یقین، سچ پاپ اُتے یقین وانگر، حیاتی تے صحت مندی دے سچے فہم نوں بند کرن ول رجوع کر دا اے۔

7 - 16-8:543

الہی سائنس وچ، مادی انسان رب دی حضوری توں باہر کڈھ دتا جاندا اے۔ سچ مادی جسمانی حساں روح دی پہچان نہیں کر سکدیاں۔ اوہ اوہدی حضوری وچ نہیں آسکدے، تے اوہناں نوں سُنھنیاں دے جگ وچ ای رہنا پیندا اے، جدوں تیکر بندے ایس سمجھ تیکر نہیں اُڑدے پئی مادی حیاتی، اپنے سارے پاپ، بیماری تے موت دے نال، اک فریب نظری اے، جیدے خلاف الہی سائنس اک ختم کرن دی لڑائی وچ شامل اے۔ وجودیت دیاں وڈھیاں حقیقتاں غلطی دے پاروں کدی خارج نہیں کیتیاں جان دیاں۔

8 - 14-6:395

اک وڈھے نمونے وانگر، روح نوں حساں دیاں جھوٹیاں گواہیاں اُتے حکومت کرن بیماری تے فانیت اُتے دعویاں نوں جتاؤن لئی آزاد کر دیاں ہوئے، شفا دین والے نوں بیماری دے نال گل کرنی چاہیدی اے کیوں جے اوہنوں اوہدے اُتے اختیار حاصل اے۔ ایہہ ای اصول پاپ تے بیماری نوں شفا دیندا اے۔ جدوں الہی سوچ نفسانی سوچ دے ایمان اُتے تے ایس ایمان اُتے قابو پالیندی اے پئی رب اُتے بھروسہ پاپ تے مادی شفا تہ طریقیاں اُتے یقین نوں تباہ کر دیندا اے، تے پاپ، بیماری تے موت غائب ہو جان گے۔

9- 17-9:253

پیارے پڑھن والیو، مینوں اُمید اے پئی میں تہانوں تہاڈے الہی حقوق دی سیان، تہاڈی آسمان ولوں دتی ہوئی ہم آہنگی ول راہنمائی کر رہیاواں، تاں جو جدوں تسی ایہہ پڑھوتے تسی ویکھو پئی اجیہی وجہ (غلطی کرن توں علاوہ، کوئی مادی حس جیدے وچ کوئی طاقت نئیں ہندی) ایس قابل نئیں اے پئی تہانوں بیمار یا پاپی بنا سکے؛ تے مینوں اُمید اے پئی تسی ایس جھوٹی سوچ اُتے فتح پارہے او۔ بس ناں دی مادی حس دے جھوٹ نوں جان دیاں ہوئے تسی پاپ، بیماری یا موت دے عقیدے اُتے فتح پاؤن والے اپنے حق داد عویٰ کر سکدے او۔

10- 25-19:572

مکاشفہ 21 باب 1 آیت وچ اسی پڑھدے آں:

”فیر میں اک نواں آسمان تے اک نوی دھرتی نوں دیکھیا کیوں جے پہلا آسمان تے پہلی دھرتی جاندی رہی سی تے سمندر وی نہ رہیا۔“

انکشاف کرن والا ہالے موت اکھوان والے انسانی تجربے دے تبدیل شدہ مرحلے وچوں وی نہیں نکلیا سی، پر اوہنے پہلاں ای نویں آسمان تے نویں دھرتی نوں دیکھ لیا اے۔

## 11- 19:573 (پاک)-2

کیوں جے آسمان تے دھرتی دے بارے مقدس یوحنا دی بدنی حس غائب ہو گئی سی، تے ایس جھوٹی حس دی تھاں روحانی حس آگئی سی، جیہڑی اجیہی نفسی حالت سی جیدے پاروں اوہ نویں آسمان تے نویں دھرتی نوں دیکھ سکد سی، جیدے وچ روحانی خیال تے اصلیت دی سمجھ شامل اے۔ کلام دا ایہہ اختیار ایس نتیجے نوں لیان لئی سی پئی ہستی دی اجیہی پچھان ایس وجودیت دی ہن والی حالت وچ انسان لئی ممکن ہے تے ممکن رہی سی، پئی اسی موت، دکھ تے درد دے آرام نال ایتھتے تے ہنہ باخبر ہو سکدے آں۔ ایہہ ساری کر سچن سائنس دی مٹھاس اے۔ برداشت کرن والے پیاریو! حوصلہ رکھو، کیوں جے ہستی دی ایہہ اصلیت یقینا کدی نہ کدی کسے نہ کسے شکل وچ سامنے آوے گی۔ کوئی پیڑ نہ ہووے گی تے سارے اتھر و پونجھ دتے جان گے۔ جدوں تسی ایہہ پڑھو تے یسوع دے ایہناں لفظاں نوں یاد رکھو، ”رب دی بادشاہی تہاڈے وچکارا اے۔“ ایسے لئی ایہہ روحانی سمجھ ہن والا امکان اے۔

## روزانہ دے فرض

میری بیکرایڈی دلوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

### مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیشن 6۔